




ORATIO.



Uòd si quis Austriam , Regnaticem Orbis Romani Provinciam victoriis , peritissimis regnandi artibus , & summâ rerum omnium felicitate in eam assurrexisse magnitudinem arbitretur , cui omnia exterarum gentium , potentissimorūque populorum florentissima regna , ipsa etiam memoriā sæculorum celebrata veteris Imperii majestas vix possit conferri , eundem minimè à veritate , Vestrōque judicio aberrare longius existimavi , Reverendissime , Perillustris , ac Magnifice Domine RECTOR , Admodum Reverende , ac Clarissime Pater Inclyta Nationis Austriacæ PROCURATOR , Senatus , Populūsque Academice . Quanta enim , jam usque inde , quo Habspurgica Domus Austriacæ inserta Cæsareum cæteros supra caput extulerat rerum gestarum amplitudo ? quantus crescentis indies nominis Austriaci splendor ? ut fulgore isto propè Provinciæ omnes , quas etiam Sol communis luminum parens non adit , fuerint illustratæ . Vix Austria Romano Imperio , quo etiam divino digna judicio videbatur , dominatrices manus admovebat , cùm haud interruptâ temporum serie ad nostra usque tempora , quæ ardentibus etiamnum circumdati bellorum flammis vivimus , bello lacepsitæ bella bellis erant profliganda : aliud enim ex alio nascebatur , imo idem signis non raro , gentibüsque , solis quandoque nominibus mutatis recruduit bellum , itaque excrescebat continuum , ut viderit quandoque Orbis Austriacorum bella præliorum exitu terminata , Cæsareum exoneratum galeâ caput , pectusque thorace nudatum videre vix , & ne vix quidem potuerit . Verum accommodatiū nihil gloriæ Austriaci Nominis augendæ , quām sic fulmineo bellorum ferro lacessi , cùm vel ideo nasci debere visa sunt bella , ut virtuti , dignitatique cederent Austriæ imperantis . Eas enim messuit è ferreo hoc se-

mento victoriarum laureas, quas turbida ambitio, ut noctua
luci, sic gloriæ Austriacæ nequidquam invidiosa ibat deper-
ditum, adoraret, & è quibus Austriaci Nominis splendor
major semper, magisque suspiciendus crescebat posteritati.
Certè vicere toties ferè Austriacis Alaudis immixtæ Aqui-
læ, quoties descendere in arenam, & si quandoque visæ sunt
inimicorum armis succubuisse, succubuere, ut è casu glorio-
siores resurgerent, ostenderentque Orbi, quælibet sæcula Au-
striam amplificatâ indies gloriâ reddidisse dignorem. Sic
victoriæ quidem Austriam fecere domesticis magnam, ex-
terisque admirandam: quantam subinde reddiderint pacis
tempora, regnandi artes, adepta conjugiis regna, & ipsa
etiam, quam meritis in obsequia sua jugârunt, secunda Au-
striæ felicitas vel Vestrâ sententiâ imperitus inconsultûsque
audirem, si adferre in medium, infacundâque deprædicare
eloquentiâ contendenterem. Volumina exigit gloria illa, quam
Austria pacis tempore nanciscebatur. Quod enim Austriæ
à bellis supererat, datum quantocyùs constituendis quâm
optimè rebus publicis, colendis bonis Artibus, servando
sancitis legibus Imperio; prospectum denique, ut res, fortu-
næque regnorum efflorerent, quibus adeo Austriacum no-
men Orbi inclaruit, ut livorem, certissimum alienæ magni-
tudinis signum, facile in æmulis accenderet, optimus verò
quotusquisque verecundo vultu tantæ gloriæ, tantique splen-
doris accederet admirator. At, per me licet, summam apud
gentes omnes dignitatem pepererint Austriaco Nomi-
ni relata bello pacisque decora, pietatem tamen non adeptam il-
lam, & studio quodam petitam, sed innatam Austriacis ferè
unum illud, quo Austria Magna ubique terrarum audiri
commeruit, esse constituo, Vosque constituetis, Senatus,
Populûsque Academice; Deum immortalem, quanta hæc,
quanto semper studio custodita? ut nullæ ferè gentes ita à
nobis terrâ marique se junctæ, nullæ potentiatâ ita elatæ, quas
non Austriacæ pietatis splendor percelleret, cogerentque vel
invitos ad hanc virtutum lucem respectare attonitos. Vi-
ctoriis etiam, regnorûmque amplitudine, si quandoque Au-
striam se minorem jactabat ambitio, facili tamen manu
palmam cedebat Austriacæ Pietati. Quin, ut nemo ibit infi-
cias, dum sago, togâque inclaruit Austria, pietas erat, quæ
suam victoriis magnitudinem, suam paci dignitatem ador-
nabat. Gerebantur bella ab Austria, ut aut oppressos ex-
tera dominatione levarent, insidias, vim, aut furorem
ambitionis à subjectis populis arcerent, ut rem Christianam

à clade ultima , exitioque eriperent , aut demum ut solium suum à violento vendicarent possessore. Pacis verò ornamento quærebantur , ut quotidianis bonum publicum, Religioque cresceret augmentis. Pietatis itaque fama si Orbem universum in sui rapuit admirationem Austria , quantum , *Dive LEOPOLDE, Sanctissime Austriae Marchio*, boni omnes , & nos præprimis Austriaci , Tibi debemus , à quo profectum intelligimus , quidquid virtutis in Austriacis Principibus suspicit Orbis , & adorat? præivisti Tu virtutum , pietatisque semitas , quarum vestigia constantissimè semper pressit subsequa ut provinciis , sic virtutibus Austria. Paterè solùm , *Sanctissime Marchio* , ut hoc cumulo laudum Tuarum immortalium accedat , si Te Pietatis Austriacæ Authorem , Fundatormque prædicāro , ostenderōque , Te præprimis illâ virtutum luce emicuisse , quam in posteros omnes Austriæ Principes ceu nascendi jure conspicimus transfusam.

Sæpe tacitâ illud ego mecum versabam mente , quid esset , quod è Principibus de religione , republica , & præprimis de virtute quâm optimè meritis censeantur paucissimi , qui cœlo illati publicâ veneratione & cœlesti cultu honestentur. Non ego de exteris mundi partibus loquar ; Europæ , à quo Christum agnoverunt , provinciæ quâm pietate conspicuos , religionis zelo ardentes , omnique virtutum genere ornatos Principes habuêre? quâm arcto tamen simul numero complexæ sunt , quos templa & aræ nobis monstrarent , quibûsque divos tribueremus honores. Laude istâ , & hoc Sancti titulo Hispania unum ornat Ferdinandum , suum Gallia Ludovicum , Ericum Dania , Germania Henricum & Carolum , Hungaria Stephanum & Ladislaum , Bohemia Wenceslaum Sanctorum fastis illatum veneratur. Non ita tamen aut suorum Principum ignarus est populus , ut quæ memoriâ posteriorum celebranda sunt pietatis facinora non illico persentiscat , neque ita clam virtutes ab iis , qui solio cæteros eminent , geruntur , ut non confessim sanctitatem quamdam publicam promereantur. Ita enim constitutum , & subditorum animis innatum esse , quis non videt , ut facta quælibet regentium ex virtutis etiam solùm imitamento sibi premium pro merita syderibus & cœlo quantocyùs invehat tenerrimus parentium affectus. Quid itaque est , quod è plurimis adeo raros Sancti titulo insignes numerent regna ? Credo equidem ego , id evenire , quod unum etiam duntaxat è plurimis publico honestatum cultu venerari sit satîs , ut subsequis solio Principibus is esset author , fundatörque pietatis , quam colerent;

lerent; præiréque viam, quâ ut gubernationis artibus, sic virtutum imitatione DEO quâm proximè accederent. Non enim humanis solùm in artibus id usuvenit, ut præclarissimus quisque & optimus artis illius censeatur fundator, in qua aut primus, aut præ cæteris majori cum laude versabatur, sed & gratia plerumque naturam, humanasque artes imitata virtuti præfigit authores, quos cæteri omnes Cynosuram velut intueantur. Austria itaque dum è plurimis & virtute strenuis, & pietate gloriofis Sancti titulo insignem censem Divum LEOPOLDUM, tantumque si in posteris obstupescimus virtutis ornatum, quis ibit inficias, LEOPOLDUM denique esse, qui in Austriacis Principibus pietatem fundavit? In id unum ergo incumbendum mihi jam esse video, ut Vobis ob oculos ponam, quantum iis in virtutibus, quas Austriacis proprias totus Orbis depraedat, excellerit LEOPOLDUS. Neque ego ibo per singulas, monumenta enim illæ sibi & annos deposita; cultum illum dunt taxat in DEUM, Cœlitesque singularem, dein liberalem & profusam in pias causas Munificentiam, tum Clementiam Austriacis propriam & domesticam in medium adducam, ut hac ex umbra cæterarum virtutum splendor luculentè magis conspicatur.

Primum è bene multò virtutum ornatu, quæ Austriacis propè in naturam transivere, facile locum sibi vendicare videtur cultus ille in DEUM, Cœlitesque singularis; Hoc uno Austriam à reliquis florentissimis pietate regnis secerimus. Quid? adeo sanctus semper, commendatusque Austriæ hic cultus, ut si quandoque alio virtutum genere Austriacos Principes vincere nitebantur exteræ provinciæ, territi tamen fuerint hujus magnitudine pietatis. Non ego hic è cineribus suis & umbris in publicam lucem evocabo Austriæ Principes Albertos & Rudolphos, Ottones & Hermanos, Fredericos, & Maximilianos, Ferdinandos, Carolos, & Leopolodos, quorum ut spectatissima fuere virtutum ornamenta, ita publicâ in DEUM veneratione, cultuque Orbi extitere admirandi. Te solùm testem compello, Vienna, urbium jam Domina & sanctissimum Austriacorum Principum Cæsarumq; domicilium! ullâne in te DEO, Superisve dicata ædes, quæ non Austriacam pietatem in genua demissè procumbentem, resonantes altius preces, erectas ad cœlum manus, amorem Numinis, insolitis toto vultu ardentem flamis fuisse admirata? ullâne urbis via aut platea, quæ ingressum ad omnem pietatis speciem compositum, quando solemnes inter supplicationes

Austria-

Austriacos Principes populo miscuit demissio, non obstuisset? ullane Religiosæ familiæ domus, quam impulsu devotionis illi non sunt ingressi, non sublimarunt? quin parum videbatur, dicatos jam Superis dies sanctissimè colere, novos etiam, publicumq; Superis cultū intercessione suā procurabant. O quoties in eorundem honorem exacti severis jejuniiis dies, fraudatæ somno noctes, & cùm domi Austriaca Pietas plenâ jam luce inclaruisset, itum etiam in exterias regiones, Lauretum in agro Picentino, Oettingam Bavariæ, frequentissimè in Styrorum Cellas Marianas, Hierosolymas etiam institutæ peregrinationes, ut terras easdem, quas victoriis Austria, publicâ quoque devotione illustraret. Sed unde cultum hunc, religionemque in DEUM & Cœlites tam constantem Austria fuit edocta, nisi à Divo LEOPOLDO, sancto suo Marchione? qui per vitam omnem à teneris annis in id unum incumbebat, ut dubium relinqueret seræ posteritati, plúsne sibi, an DEO vixerit LEOPOLDUS. Vix teneros egressus annos prætextam posuerat, cùm ille se totum DEO consecrare, divinas in laudes exardescere, obsequiis DEUM prosequi, atque annos, quos cum cæteris nanciscebatur communes, singulari quâdam devotione, cultûque rerum cœlestium supra naturam & vulgus elevare. In aula quidem vitæ lucem auspicatus, devotione tamen, & eximio in DEUM studio fulgere, quâm splendidissimis natalibus gloriösius duxit, quando pompam aulicam exofus, paternam regiam in solitudinem, ducales honores in privata studia, & blandientis fortunæ illicia in plusquâm religiosæ domûs austерitatem commutavit. Quâm frequenter divina inter alloquia Princeps tenellus sui impos extra se sanctissimo mentis excessu rapiebatur? non rarò preces inter innocentî ore profusas suspiriis ab imo pectore ductis flagrabat, solatiisque cœlestibus non tam testibus Iachrymis, quâm depluo è cœlo imbre liquefcebatur: sæpius denique sub seram noctem ad lunam super ardorem parvi LEOPOLDI pallentem illatis cœlo oculis, compressis in crucem manibus clandestino quodam amoris magnetismo abreptus hærebat: sanctissimè nempe jam tum institutus, quemadmodum gemmæ, turbulenti maris divitiæ, nunquam feliciores, nec pleniore luce in humanorum oculorum delicias excrescunt, quâm ubi firmius, tenaciisque matrici conchæ sunt inclusæ, atque depluo è cœlis rore magis fœcundantur, ita teneros Principum animos nusquam efformari melius, quâm ubi non tam regnandi artes, quâm teneram in DEUM devotionem imbibunt tumultu aulico exclusi. Hæc LEOPOLDUS quidem teneris etiamnum in annis: sumptis subinde annorum augmentis, ea

Leopoldina devotio sumpfit incrementa , ut dies quilibet , & annus quivis alteri anno LEOPOLDUM tradiderit sanctorem. Habet cæterum id sibi blandientis fortunæ splendor , ut haud eadem sede secum morari posse existimet pietatem ; tantum tamen aberat error iste gravissimus à LEOPODO , ut meritò voces in dubium , sanctiusne suo tempore Stephanus ac Ladislaus in Hungaria , in Bohemia Wenceslaus , Eduardus in Anglia , in Hispania Ferdinandus regias inter curas Superos coluerint , ac impenso magis studio , ardentioréque animo DEUM sint venerati. Adiérat Divus LEOPOLDUS Marchionatum suum Australem parente , ob oris formam *Pulchri* nomen referente , jam fatis functo , dignus , qui imbellis imperasset ; cum studiosissimus ille quidem in tuendis patriis legibus , arcendis à Marchionatu injuriis , avertendis incommodis , ne vel usquam defuisse subditæ sibi Austriae , vel Austria sibi deesse videretur ; inter gravissimas tamen , & continuatas solii curas nihil unquam LEOPOLDUS habuit antiquius , quām DEI jura inviolata ubique & inconcussa Atlanteo quasi humero sustinere , incumbere in Religionem , DEI ministris prospicere , suo exemplo ad divinum cultum alios ardentiùs excitare ; ubi cunq; cognoverat religiosissimum templum quoddam , ed adire , sæpe etiam pedibus , nec itineris labore , nec longinquitate locorum terrori. Utinam , *Senatus , Populéque Academice* , viveremus tempora illa , quibus Divus LEOPOLDUS sanctissimè Austria moderabatur , quām stuperemus amoris vehementiam , & Æthnam amoris ex LEOPOLDI corde erumpentem , dum non creberrimè modò , sed sanctissimè sacræ accumbebat Synaxi , respectaremus attoniti : quibus vocibus insereremus cœlo Leopoldinam constantiam , & vel nostra tempora illis compararemus , ubi Austriae Principibus solemnem illam pietatem à Divo LEOPOLO exorsam cerneremus , cum jam tum LEOPOLDUS nullis curis , laboribus nullis ed valebat adduci , ut vel ulla diuturni imperii dies Marchionis sancti præsentiam à sacrosancta in ara liturgia esset paſta desiderari. Illud tamen omnibus fuit admirationi , quod & Divino cultui , & rebus gerendis æquali laude satisfaceret , nec alterum alteri foret impedimento , quanquam præstare utrumque difficillimum videatur. Noverat quippe Marchio sanctissimus felicitatem regnum in manu Numinis positam tum demum securam , incolumèque duraturam , cum devotionis obvallatam teneret præsidio , pondusque omne regiminis , & momenta rerum in uno DEO consti- tueret. Inde fiebat , ut mutatas illico rerum vices , pulsas temporum calamitates , & ereptos vitiis subditos intueretur. Nihil enim

enim est ad suadendum efficaciùs , quàm exemplar jubentis. Quis namque non lucrum, non effrænatas cupiditates, non conscientiæ denique suæ Numen reformidet , si Principis sui aulam ùt aram devotionis, cultùsque Divini sacrarium intraverit : qui- que Marchionem vidisset tanto in DEUM Superòsque cultu exardentem , quantum non consulares agricolæ Curii & Fabri- cii , sed ne ipsi quidem veteres Christianæ severitatis cultores novêre.

Satis jam liquet , quantus Austriæ præfulserit LEOPOL- DUS devotione in DEUM , cultúque in Superos : nullus jam erit , opinor , qui ambigat , an pariter liberalitatis & munificen- tiæ in pia opera subsecuturæ posteritati ediderit exempla ; indis- solubile quippe fœdus devotionem inter & munificam mentem nexuit pietas , si vires non desint devoto , ut possit esse munifi- cus. Est illud cæterùm insatiabili habendi cupiditati domesti- cum , larga sua ærraria profundere , ut sordido quæstùs genere ea- dem augeat sub falso virtutis imitamento munificentiam men- tita ; dispensat patrios census , avitas opes , aut quidquid præ- terea divitiarum in dominatrice domo opulentia reliquit , effun- dit non quidem in pauperes , aut in largitatis exempla po- steros aliquando Principes oneratura , at ut antiquæ claritatis sobolem honorum gradibus attollat , aut vanæ deserviat ostentationi. Erant tum tempora illa , eâque constitutus effulgebat potentiâ LEOPOLDUS , ut ei aut infelicium provinciarum spo- liis , aut censuum opulentîa licceret opes suas augere ; erant tem- pora illa , quibus non Principibus solùm posteros suos , sed & se Romano solio inserere posset ; erant denique illa , quibus ea li- ceret exequi , per quæ Austriacæ dignitatis opulentiæque splen- dorem omni ostentationis pompæque genere seræ transcriberet posteritati ; tantùm tamen ab his omnibus aberat LEOPOL- DUS , ut non alio nisi munificantiæ in indigos , & dicata Superis templa Orbi inclarescere voluerit. Quis enim unquam egens & afflictus de iis , quos stipem ostiatim colligere jubebat egestas in ejus aspectum se dedit umquam , quin largo munere acce- pto recesserit ditior ? iis verò , quos inopiæ suæ pudere sciret , in- gentem vim pecuniarum distribuebat. Confluxere in LEO- POLDI aulam , tamquam ad certissimum egestatis suæ asylum pressi & afflicti omnes , quibus cùm vestitum singulis & vitæ sub- fidia dedisset , tum enim verò hilares & ornatos dimittebat , optimè gnarus se nunquam amplioribus abundaturum divitiis , quàm si sibi supremum Numen debitorem sacro munificantiæ fœnore obstrinxisset. Quantum deinde erat , quod Marchio sanctissimus Gener clarissimi , Socrus verò maximi Cæsar is ægro-

tos sæpenumerò inviseret, accederétque citra omnem nobilissimæ mentis reformatiōnem, eisdem manus imponeret, consolaretur verbis, & ut morbi malum exigebat, ita quemque diligentissimè curari imperaret? Filias subinde nobilium virorum, ubi teneram egressæ sunt ætatem, LEOPOLDI munificentia educatæ, dotatas dabat in matrimonium, aut aliquo alio vitæ genere collocabat: quām multas verò jamjam cadentes, & propter egestatem omnem castimoniam abjecturas suis opibus sustentabat? Nemo denique omnium unus erat, quem in magnis rei familiaris angustiis auxilium à quoquam, ut est verecunda quandoque egestas, expetere verentem suis facultatibus non adjuvâset. Verùm parum adhuc erat munifico Principis animo, semper in circumfluam egestatem liberalissimas manus extendisse, relinquenda erant posteris monumenta, quæ æternū munificentiam Divi Marchionis loquerentur. Quanta autem hæc, & quām magnifica? Non ego hīc ibo per singula, compendio utar: testor vos ego erecta ad exornandas Sanctorum exuvias elegantissima Mausolæa, quæ jam aut edaci tempori cessere in spolium, aut quæ veneranda antiquitate in nostros dies producta spectamus: testor spectatissimas Ecclesiæ Mellicensem, & Cellas Marianas, Sacrarium Virginis MARIAE miraculis Orbe toto celeberrimum, & Aram salutis, quas inchoatas & ad culmen perductas ab aliis, munificentia suâ ornavit, novisque redditibus ditavit LEOPOLDUS: testor celeberrima duo Austriæ religiosissimorum virorum domicilia, ad Danubii ripas, in Valle alterum Nemorosa extuctum, quæ à fundamentis inchoata Beatissimæ Dei Parenti sacra esse voluerat: testor denique exhaustam propè ærarii opulentiam, quâ Ille sic Religioni, Ecclesiis, Sacerdotumque Collegiis prospexit, ut, quocunque obtutus convertamus, in totidem suprema Leopoldinæ munificentæ monumenta incurramus. Quid? adeo munificus semper LEOPOLDUS, ut, cùm invida mors Eidem beneficiendi statueret modum, etiamnum è cœlo certissimus opitulator miseris, egentibūsque impertiat opem. Vellem hīc ego, ut vel lapides ipsi, qui sanctissimas Divi Marchionis reliquias posteritati conservant, pendulaque circum anathemata, accepti beneficij testes, munificantiam LEOPOLDI de-prædicarent, aut resurgerent suis ex umbris illi omnes voto damnati, quod prodigiosam LEOPOLDI munificantiam essent periclitati, ingens certè turba in tuas laudes, Marchio sanctissime, effunderetur, ut Te sospitatore suus oculis redditus sit visus, auribus auditus, mutæ prius, balbutientiq; linguæ vocis sonus. Grato cæteri animo enarrarent, ut ope Tuâ claudis mutilisque pedi-

pedibus suis redierit usus, ut ab aris focisque Tuis precibus ar-
cuerint flammam, ut feliciter aquæ periculis essent defuncti;
alii denique celebrarent, quæ promptus gravissimo quibusque
morbo decubentibus succurreris, quoties morti proximos
priori restitueris valetudini, quæ potenter dæmones humanâ
sede exturbâris, quin quoties mortuis ipsis restitueris vitam.
Munificum proinde Te Marchionem, Sanctissime LEOPOL-
DE, qui non cum Augusto duntaxat munificentissimo Impe-
rii Romani auctore, sed cum Constantino illo Magno, cum
Theodosiis, cum omnibus Regibus & Principibus, quorum est
celebrata in pia opera religio & munificentia, certare videba-
ris! ut cerneret nempe sera Tua posteritas, Austriacis nihil mu-
nificentia antiquius esse debere: Quam quidem quanto studio
sint æmulati, quis verbis unquam satîs exprimat? Tanta pro-
fectio Austriacorum Principum extitit munificentia, ut non
diem modò omnem cum Tito munificentissimo illo Cæfare, sed
vel horam omnem, quâ non largam manum egenis, piisve cau-
sis impendissent, perditam arbitrarentur. *Vestrâ, Senatus, Po-*
pulique Academice, abuterer patientiâ, si irem per singula; An-
nales enim & fastos Liberalitas Austriacorum exigit. Quæ
enim Provincia, aut quod Regnum Austriacæ potestati subje-
ctum, quod non quæ plurima munificentia monumenta osten-
taret? quæ urbs solemnior in regnis, quæ in urbibus Ecclesia,
quod Sacerdotum Collegium, Deoque dicatum Templum,
quæ regio, quis terræ angulus, qui non Austriacos Principes
fundatores, auctoresque haberet? Jam verò quæ profusa
numquam non in egenos munificentia? quin Regna, integrâs-
que Provincias Regibus atque Principibus exteris dare solùm
Austriacorum erat. Tacebo igitur, quoties exhausta ferè æra-
ria, ut complurium religiosorum virorum domus extruerentur,
& augerentur redditus; quoties grata vis illata invectis per pla-
teas Austriacis Principibus ab afflua pauperum manu; quantis
dein opibus aucti, quicunque ad Austriacam munificentiam
appellarent: hæc, inquam, silentio præteribo, quando facun-
diam infacundi oratoris excellunt: illud duntaxat annotabo, ita
sibi Austriacos Principes propriam fecisse in pia opera à Divo
LEOPOLDO fundatam Munificentiam, ut munificentissimi
fuos in Ægyptios Nili originem, quæ Austriacorum Princi-
pum liberalitatis principium finemque, facilius sit invenire.

Ad tertiam jam Austriacis domesticam ferè, & à Divo suo
Marchione LEOPOLDO fundatam virtutem progredior, Cle-
mentiam: seu deinde illam, quæ Principum manibus præ justis
fulminibus, ferrisque oleam inserit, seu illam, quæ in bene me-
ritos

ritos gratissimos se se exhibere Principes jubet. Fuerunt sanè in utroque Clementiæ genere Cæsares Austriaci principes, dum Solem æmulati clementissimos in subjectos sibi subditorum animos, nil etiam tale quandoque merentes, præstitere influxus. Armavit, non nego, Justitia Austriacos Principes vindici gladio, quia Clementia & Justitia amicæ sibi sunt virtutes, vicissim se fovent, ornant, augéntque mutuò, alteraque alterius conjunctione velut palma & crescit, & lætatur; verùm ita armavit, ut Clementiæ semper palmam cesserit Justitia. O quoties immanitate scelerum territus est Austriacus Orbis, cùm audiret fuisse, qui sacrilego ore famam Austriacorum Principum lacarent, qui auro, spēbusque hostium conducti urbes integras trāderent perfidiæ, qui ambitione incitati regna procabantur, qui conductis sicariis, paratis venenis, impiis fraudibus, nefariis conjurationibus in vitam eorundem conjurarent. Toties autem admiratione obriguit, cùm intelligeret, Austriacos Principes tantas etiam injurias, si rei pœnitere poterant, non ulcisci. Nihil scilicet eorum altius cordi insertum, atque illud Antonii Pii Imperatoris, præstare vel unum civem peccantem servare, quam mille hostibus vitam adimere. Bonus siquidem Princeps humum sanguinem, ceu Medicus, tanti putat, ut eundem nunquam eat deperditum, cùm valet conservare. Et tanta quidem clementia Austriacorum semper fuit in reos, quanta autem in communes subditos mansuetudo, quantus amor? Una profectò Austriacis gubernandi regula subditorum incolumentas; ex hac sanctiebant fœdera, bella inibant, feriebant pacem, agebant denique omnia, si id publicæ rei conduceret, felicitatiq; subditorū. Quin non modò vultu ipso benignitatis & clementiæ amœnitatem spirabant, sed eandem toto quoq; pectore gesserunt, quando illa cum benevolentiæ significatione egere cum suis, ut quod oculis spectarunt subditi, corde contineri quantocvùs crediderint, & quod corde contineri crediderunt, se spectare coram sunt gavisi. Sed quid ego imprudens tanto Clementiæ oceano me immitto Orator? novas hoc unum Austriacæ Clementiæ argumentum postulat panegyres: Tibi solùm Austria de pulcherrima hac tua domestica, & innata virtute gratulor, quod eandem tuas interretuleris, auxerisque, quam Divus tuus LEOPOLDUS fundavit, quamque semper sic coluit, ut si quando sine cætera virtutum corona videri poterat, nunquam tamen sine Clementiæ comitatu. Non reis enim modò ille (quamquam essent paucissimi, cùm amor omnium esset LEOPOLDUS, nec inveniret quidquam in Divo Marchione perfidia, cui obirasceretur) benignissimam veniam indulgere consuevit, sed concitatos quan-

doque

doque in se animos promissis etiam gratiis componere & delinire. Sic quidem LEOPOLDUS clemens cum esset in hostes, clementissimum nonne experti sunt subditi? ad quem frequentissime patebant aditus, & ad cuius munificam, clementemque manum de Republ. bene meriti omnes, quin immerentes quoque tamquam ad certissimum clementiae asylum sic accedebant, ut non nisi clementissime ab eodem donati redierint. Non igitur, *Senatus, Populique Academice*, nobis obstupescendum, quod adeo gratissimos meteret subditorum suorum affectus Marchio sanctissimus, cum tam multiplicia spargeret Clementiae argumenta. Hac enim, cum loqueretur, ferocientem populum fecit elinguem, hac, ubi ipse summus infimorum audiret querelas, eosdem in sinum suum recipiebat, hac ductrice, cum recte ageret ipse singula, omnia recte agenda, faciendaque cives edocebat: haec, cum statuendae occurrerent patrio bono leges, & vivendi regulae, praebat ad consilia; cum stringendus esset justitiae gladius, mansuetudinis innectebat oleas; cum laborem imperabat communis necessitas, facem exempli accendebat; Haec denique Clementia antecedebat, comitabatur, sequebaturque ubivis LEOPOLDUM.

Verum silentium jam balbutienti etiamnum, & in Laudes Austriacae Pietatis non ornatæ satiæ facundiæ meæ imponeo; illustriorem utique Tibi, Dive LEOPOLDE, panegyrim opulenta magis, felicioraque ingenia extruent. HABES TU interea laudem & fructum meritorum Tuorum, qui virtutis regulam præcendo effecisti, ut pietatis ejusdem, quam domesticam Habsburgo-Austriacis in Principibus suspicimus, & quæ Austriam toti Orbi magnam reddit & admirandam, semper habitus fueris, habendusque sis Author & Fundator. Illud solùm addam: eant nunc, eant Principum veteratores, rerum politicarum antagonistæ, negent etiamnum Devotionem, Munificentiam, Clementiam, cæterumque virtutis ornatum decere Principes; dicant, non suffragari expeditionibus armorum, non consiliis reipublicæ, non gloriæ incrementis Pietatem; agant, Sanctimoniam nullibi gloriosam nominis famam transcribere posteritati: credant, supervacaneam Religionis curam abire in superstitionem, licere in ejusdem professione vertumnum agere, solùm bello armisque magnum parari nomen: non ita Tu, gloriosissime Marchio, Dive LEOPOLDE, credebas, qui Virtutis Pietatisque normam Tibi, Austriæque Tux putabas præfigendam, quâ pronubâ Tibi Fundatoris Austriacæ Pietatis nomen mereris, seram autem posteriorum hæreditatem unâ ad augustissimæ gloriæ apicem,

atque ad eximum DEI cultum fortiter, constantérque erudi-
res. Hac profectō pietate præstitisti, ut corona illa Impera-
toria, quam demissio Tua tunc declinavit, meritis nihilominus
& virtutibus Tuis in posteris à Te fundatis & quotidie auctis
prono cursu devoluta in Austria denique cœperit, in quam
dudum antea inclinaverat, sedem optatissimam. Gratias pro-
inde Tibi, Dive LEOPOLDE, boni omnes, & præprimis Au-
stria Tua Tibi refert, quòd in virtutibus Austriacis talem nobis,
totique Nationi Austriacæ reliqueris anchoram, quâ semper
spes nostra medios inter fluctus ac procellas firmare possit Rei-
publicæ navem: Gratias Tibi, quòd pietatem fovendo, atque
in Te ipso exprimendo Austriæ præscripseris normam, quâ Or-
bi universo evaderet admiranda: Gratias, quòd novis accessi-
bus eandem in subsecuturis Principibus auxeris & conservâ-
ris. Sed pene inter gratias perorâssim, consumptûsque inter
grati animi affectum clausissimè panegyrim, nisi nova quædam
vota me ad Te convertere compulissent. Age, Dive LEO-
POLDE, Austriæ, Austriacorumque Principum Tutelaris San-
ctissime! ultimus jam superest Austriæ Tuæ Princeps, virtu-
tibus Austriacis Tibi simillimus, Clementissimus, Munifi-
centissimus, & Religiosissimus Princeps: effice, qui cœlis il-
latus curam Austriæ Tuæ non dedianaris, ut perturbata belli
motibus Europa sub Austriaco hoc Principe pacem perenni-
ter duraturam aspiciat, ut, domitâ hostium ambitione, latus
suis moderetur, ut incolumem, Imperatoriâque coronâ orna-
tum Austria Tua intueatur. Perge constanter Domum hanc
Augustissimam defendas, nec Imperium Tuum ambitionis
fraude angustiùs, quæm antea vigebat, constringi concede.
Videat, Te Duce, & Auspice, uterque Titan CAROLUM
Augustissimum Dominum, Illumque oriens & occidens ad-
salutet. Da denique Dive LEOPOLDE, Principi huic Au-
striaco dignum superis munus, Austriacis Tuis hæredem sub-
mitte, qui vastissimo Imperio succedat, & quotidianis incre-
mentis Virtutes Austriacas augeat, quarum Ge, Marchio
Sanctissime, Authorem fuisse & Fundatorem

D I X I.

